



UNIVERSITÄTS-
BIBLIOTHEK
PADERBORN

Universitätsbibliothek Paderborn

L. Annæi Senecæ Philosophi Opera, Qvæ Exstant Omnia

Seneca, Lucius Annaeus <Philosophus>

Antverpiæ, 1605

Cap. X. Libri, qui non exstant.

[urn:nbn:de:hbz:466:1-53700](#)

C A P. X.

Libri, qui non exstant.

De Corpore tantum est: nec ab eo nobis fructus: ab animo maximi, & per Indicem videamus. Scripta enim eius exstant multa, plura non exstant: & hæc, quod crux potui, hic dabo. Perierunt igitur, primùm

VERVS eius & poëmata, quos certum est vberitatem scripsisse. Ipse in exilio fecisse ostendit; & Tacitus, iam etiam seniorem, & in Aulâ. Ita enim inquit ca-
lumniantur apud Neronem: *Obijcibant etiam eloquētia laudem uni sibi ad Lib. xiii. sciscere, & Carmina crebrius factitare, postquam Neroni amore eorum venisset.*

ORATIONES, siue causarum Actiones. Egit multas & illustres, atque in ipso Senatu: ut omittam quas Principi scripsit, in Senatu item recitandas. Neque dubito *Edita* ad populum, & *Epistolas* grauiores, ab illo conscriptas, aut dictatas: quorum omnium leuis memoria superest, & tulit, ut solet, æuum.

DE TERRÆ MOTU liber, quem iuuenem se scripsisse ipse testatur vi. Nat. Quæst. cap. iv. Non desideres, quia eamde[m] materiam, in iisdem Quæstionibus, retractauit.

DE MATRIMONIO. Fueritne liber, an Epistola, nescio: sed citat Hieronymus adu. Iouinian. lib. i.

HISTORIA, aut compendium. ex Lactantij viii. cap. xv.

DE SUPERSTITIONE liber, haud dubie inter sapientes. Laudat & excerpit quædam Augustinus vi. De Ciuit. Meminit & Tertullianus in Apologetico.

DIALOGI. quos Fabius nominat, nec vltra.

MORALIVM libri. Lactantius citat lib. ii. cap. ii. atque alibi, & ipsem et nosfer epist. c v i. initio, & epist. c ix. Scripsit in extremo, ut inibi apparet: ô insigne opus, & lugeo interreptum.

EXHORTATIONVM libri. Plures enim fuerunt, è Lactantio, & Fragmenta nostra vide. Hoc ipsum quis non inter egregia operum censembit reponendum? Sunt alia, sed quæ incertò ad hunc referas: ut *Notarum* libros, qui patris magis fuerunt. Item *De Causis*. Ita enim scriptor innominatus Rerum Britannicæ: *Seneca De causis commemorat, Catonem oratoris officium definientem dixisse, Orator est vir bonus dicendi peritus*. Sed is quoq[ue] Patrem spectat, & sunt Controversiarum libri: in quorum primo, Præfatione ipsâ, hoc Cato-nis reperies ibi citatum. Siquid me etiam fugit, in Fragmentis reperies: et si minora non tam effugient, quam patior elabi.

Sed heus, EPISTOLAS ad *Diuum Paulum* non memoramus? Quæ nunc sunt, non sunt tanti: imò certum est eiusdem auctoris, & Pauli & Senecæ, illas esse, & compositas à semidocto in ludibrium nostrum. Tentat Latinè loqui, quisquis auctor fuit. Ergo inter se non scripserunt? ^a Hieronymus, ^b Augustinus, atque etiam antiquior vtroque Linus Pontifex, afferunt, & passiu[m] opinio olim fuit. Atque adeo ^d Io. Sarisberiensis fortiter: *Desipere videntur, qui non venerantur eum, quem Apostolicam familiaritatem meruisse constat*. Itaque reicere hoc totum & calcare non ausim: fuerint aliquæ, sed aliae: si istæ, requiro iudicium optimorum Patrum. Sed quid alij etiam de Senecâ, videamus.

^a De scri-
ptoribus
Ecclæ.
^b Epist.
LXXX ad
Maced.
& vt. De
ciuit. c. x.
^c De pa-
fessione D.
Pauli.
^d Lib. VIII.
Polycrat.
cap. XIII.

C DE